

مسئله‌های قرآنی

۱۳۲۶

در سعادت‌ده بکی پسته‌خانه فارشوسنده
دائرة مخصوصه در

مسئله‌های موافق آثار جدید مع المنزیه قبول اولنور
در ج ابدیین آثار اعاده اونانور

دین، فلسفه، ادبیات، حقوق و علوم دین باحث هفته‌لق رساله‌در

در سعادت‌ده نسخه سی ۵۰ باره در

قیرطه دن مقوا ورو ایله کوندریلیرسه سنوی
۲۰ غروش فضله آلنور.

در سعادت‌ده پسته ایله کوندریلیرسه ولایات بدلی اخذ اولنور.

تاریخ تاسیسی:

۱۱ نموز ۳۲۴

مؤسسلری: ابوالعلا زین العابدین - ح. اشرف ادیب

سنه لکی القایلی

۳۵ ۶۵

۵۰ ۹۰

۵۵ ۱۰۰ غروشدر

در سعادت‌ده

ولایات‌ده

ممالک اجنبیه‌ده

عدد: ۴

۳۲۶ شعبان ۲۱ پنجشنبه ۴ ایلول ۳۲۴

برجی سنه

تفسیر شریف

بسم الله الرحمن الرحيم

بسمله شریفه‌نک سور قرآنیه‌نک هر برندن آیری آیری جزء اولمنسه بعض احادیث شریفه‌یه استناداً فقهای شافعیه ذاهب اولمشلر. مالکیه ایسه رأساً قرآنیی انکاره قرار ویرمشلردر. ائمه حنفیه‌من عندنزه آیت فذه در، یعنی قرآن کریمده داخل اولمسلیله برابر هیچ بر سوره دن جزء اولمیوب آیت مستقله در. تبرکاً و برای فصل سوره لر اولنه یازلمشدر. زیرا مصاحف قدیمه یی قرآن اولیان الفاظدن تجرید خصوصنه اعتنای تام وار ایدی. بونکله برابر آنلرک جمله‌سند بسمله عین خط ایله یازلمش بولنیوردی. ایشته بوجهتی ملاحظه قرآنیی باینده اشتباهه میدان ویرمیور. لکن هر سوره دن جزء اوله رق محالک تعدیلله متعدد اولمنسه دلالت ایده جک بردایل قطعی یوقدر. شافعیه‌نک تمسک ایتکده اولدقلری احادیث ایسه قطع ویقین افاده ایده جک مرتبه حائز قوت دکلمدر. سندلرنده علی الاکثر ضعف واردر. مع هذا احادیث مذکوره پیننده بسمله‌نک آیت تامه ویا جزء آیت اولمنسی تعیین باینده تعارض ده واردر. ضعفدن خالی اولیان بوطاقم دلائله استناد ایله قرآن کریمده مثلی بولنمیان بویله بر تکرره قائل اولمق خلاف ظاهر در. بناء علی ذلک امام اعظم رحمه الله حضرت تهرینک اکبر تلامذندن امام محمد بن الحسن الشیبانی حضرت تهرینه بوجزئییت مسئله سی عرض اولندیی زمان مشار الیه (مابین الدفین کلام الله) دیهرک یا لکن بسمله‌نک قرآنیی التزام ایله جواب ویرمشلردر. امام محمد رحمه الله کیمسه‌یه عزو واسناد ایتیه‌رک ایراد ایلدیکی بوجواب امام اعظم حضرت تهرینک رأی واجتهاده‌یه مطابق اولدی لازم کلیر. زیرا

مشارالیه اصول خسه‌سند الزام ایتدکلی مسلکلی بونی اقتضا ایدر. بر مسئله‌نک جوابی امام اعظم حضرت تهرینک قوی اولمدیی صورته یا کنندنک محصول رأی ویا امام ابی یوسف حضرت تهرینک قوی اولمدیی تصریح ایدر وعلی الاطلاق ویردیکی جوابلر امام اعظم حضرت تهرینک قوی اولمق اوزره تلقی اولنور.

(تقریر)

بسمله شریفه‌ده کی باء جاره (أقرأ) فعل محذوفنه متعلق اولوب تقدیر کلام (بسمه أقرأ) سبکنده در. چونکه بوسمله قرائت فعلنه مبدأ قلنمشدر. افعال سائرده دن اول تلفظ اولنان بسمله لر دخی بومنوال اوزره مبدأ قلندقلری فعللره دال اولان صیغ افعاله ربط اولنورلر. مثلاً قبل الاکل بسم الله دینلده کده «آکل»، شرب زماننده «اشرب» تقدیر اولنور.

بعض علما علی الاطلاق «بدا» تقدیر ایدرلر. فقط قول اول راجحدر. متعلق معمولدن مؤخر اعتبار ایدلمسی بلاغته انسبدر. زیرا اسم سبحانینک شروع ایدیلان هر فعله ذاتاً متقدم بولمنسی ذکرده دخی تقدیم اولمنسی اقتضا ایده جکی کبی اسماء اصنام ایله تبرک زعمنده بولنان مشرکلی رد ایچون ملاحظه ایدلمسی لابد اولان اختصاصی دخی تقدیم معمول ایله مستفاد اولور.

بسمله شریفه‌ده کی باء جاره قول راجحه کوره استعانه ایچون اولمغه اسماء الهیه‌نک افعال مهمه‌منه آلت منزله‌سنه تنزیل اولندیی مشردر. چونکه افعال بشریه برطاقم آتیه توقف ایتدیکی کبی هر فعل مشروع و مهمکده شرعاً کالی و معتدبه اوله بیلمسی بسمله شریفه ایله مصدر قلنمنسه توقف ایدر. فصل که «کل امر ذی بال لم یبدأ فیه بسم الله فهو ابر» حدیث شریفی بوکا دالدر.

معنای شریف : هر اسم مهم یعنی حائز اهمیت اولان هر بر فعل اختیاری که اسم الله ایله بدأ اولنمیه ایتدر ، نظر شرعده ناقص و خیر و برکتن خالیدر .

تنبيه

بسمله شریفه دن اعتباراً بوسوره جلیله تمامها کلام الهی اولدینی حالده السنه عباد اوزرینه مقولدر ، انلرک لسانی اوزرینه ورود ایتشدکرکه بوطریق ایله باری تعالی شانیه حضرتلری بزه اسماء الهیه سیله تبرک ونعم سبحانیه سنه قارشو تشکر و درگاه سبحانیه سنه مناجات وتضرعک نه صورتله اولمسی مناسب . اجابت دعایه باعث اوله جفنی تعلیم بیورمشدر .

معنای شریف

[بسم الله] = « بن یالکز الله تعالی حضرتلرینک بالجله اسماء شریفه سیله استعانه وتبرک ایدهرک قرائت ایلرم » اسمک لفظه جلاله اضافتی اختصاص معنایی مفید اضافت لایمیه در . بناء علیه ذات الوهیت سبحانیه واوصاف کالیه سنه دال اولان بتون اسماء الهیه شامل اولور .

[الرحمن الرحیم] = « اول الله تعالی که دنیا وعقباده قوللرینه پک بویوک نعمتلر انعام واحسان ایدیحی و دنیا و دنیا بدو ذی روحلره رزق وغذا ویریحیدر . »

بو معنایه کوره « رحیم » دن ابلغ اولان « رحمن » ک دلالت ایلدیکی مبالغه بحسب الکیفیه اللهرق رحمن اک بیوک نعمتله ؛ رحیم ده سائر نعم الهیه جل ایدلش اولور . آخرت نعمتلری هپ بیوک اولدقلمی جهته کافه سی (رحمن) ده ، دنیا نعمتلری بیوک و کوچک اولمق اوزره ایکی په منقسم بولندقلری جهته بیوکلمی (رحمن) ده و کوچکلمی (رحیم) ده داخل اولور .

یاخود : « اول الله تعالی که دنیا و دنیا بدو بتون عبادنی مرزوق و دیلدکلرینه دهانجه نعمتلر احسان بیوریحی و دار آخرته بالخاصه مؤمن قوللرینه نامتناهی نعمتلر ویریحیدر . »

بو معنایه کوره « رحمن » ک ابلغی بحسب الکیمیه اخذ ایدلش اولور که دنیا و دنیا بدو بتون عبادنی مرزوق و دیلدکلرینه دهانجه نعمتلر احسان بیوریحی و دار آخرته بالخاصه مؤمن قوللرینه نامتناهی نعمتلر ویریحیدر .

اعتبار اوله بناء ادعیه مأثوره ده (اللهم یا رحمن الدنیا والاخرة ورحیم الدنیا) ، اعتبار ثانی په بناء (اللهم یا رحمن الدنیا ورحیم الاخرة) وارد اولمشدر . (تقریر)

سؤال : رحمن ، رحیم دن ابلغ اولدینی جهته مقتضای قیاس تأخیر اولنمیشدر . بو مقامده نه نکته په مبنی تقدیم بیورلمشدر ؟

جواب : « رحمن » ک دنیا نعمتلرینه مختص اولمسی صورتنده دنیانک اخرته زماناً متقدم بولنمسنه رعایه تقدیم قلنش اوله بیلور . برده رحمن اسم شریفی ابلغی اعتبارله رحمت واحسانی هر درلوغرض وعوضدن خالی بولنان منعم حقیقی معناسنه دال اولمقله باری تعالی حضرتلرینک

غیرسنه صادق اوله ماز ، بناء علیه ذات باری تعالی په علم بحجراتنه جاری بر اسم جلیل اولمقله لفظه جلاله مناسبت تامه سی وارد . بوجهته ده رحیم اوزرینه تقدیمی مناسب اولور .

توضیح

جناب حقک غیرسندن صادر اولان لطف وانعام یاثنای جیل وثواب جزیل قصدندن ، یاخود رقت جنسیت المنی ویا اعراض فانیه محبتنی قلیدن اخراج ایتکاملندن منبعث اولمقله در . بوجهته صدورینه باعث قوی صاحبک کندی استفاده سندن عبارتدر . بناء علیه من کل وجه آخره انعام اولیوب هبه کامله ، جود مطلق عد اولنه من . بونکله برابر بتون ماسوی الله فی الحقیقه انعامات الهیهک عبده وصولنه یاخود انلرله بالفعل عبدک انتفاعنه وساطت ایتکدن بشقه برنأثیری حائز دکلمدر . بناء علی ذلک جناب حقدن غیر منعم حقیقی یوقدر واوله ماز .

« رحمن » ک ابلغی کیفیت اعتبارله اخذ اولمقله اسم جلیل مذکور نعم والطف سبحانیهک یالکز اصول وجلالته دال اولوب « رحیم » اسم شریفی نعم سائر الهیه بی درج مقصدیه علاوه ایدلش اولور . بوسورتده « رحمن » اصل اولوب « رحیم » آنک تمه سی وردینی اولمسنه مبنی تأخیری لازمکلیز .

سؤال : بوجه اسماء الهیه ایچندن اشو اسماء ثلثهک تخصیص بالذکر بیورلمسک حکمتی ندر ؟

جواب : بوترتیب اوزره وارد اولان کلام شریفدن کافه امورده وجیع احوالده مستعان په اولمقله سزاوار والیق انجق ذات احدیت ومعبود بالحق حضرتلری آجل وعاجل ، عظیم وعادی ، ظاهر وباطن بتون نعمتلرک منعم حقیقی منحصراً ذات مقدسلری اولمسی بالسهوله مستبان اولمقله در که بوقدیه اکاه بولنان عبد منعم درگاه سبحانی په حصر توجه واقبال وکوکلی ذکر وفکر مولای متعال ایلله اشغال ایدرک دائماً توفیقات ربانیه طلب ونپازنده بولنق سعادتنه ارشاد ایدلش اولور .

مناسبتی اسماعیل هفی

حکمت ادیان

افراد بشرک یکدیگره تعبدیاتی منع ایچون ضبط وربطه مأمور پولیس وژاندارمه کی حکومت مقصدنهک استخدام ایده کلکده اولدینی وسائطک کفایت ایده چکی وارد خاطر ایسه ده بوخاطره طوغری دکلمدر . بر پولیس ، بر ژاندارمه کوزی اوکنده جریان ایده چک بر جرم مشهودی منع ویا بعد الوقوع فاعلی ضبطه چالیشه بیلور . جرائم وجنایات ایسه اکثریا پولیس وضابطهک یدمنی یتشه میه چک وکوزی کوره میه چک زمان ومکانلرده وقوعبولور . بنابرین خلقت بهیمی سی اعتبارله بر حیوان مفترسدن فرقی اولمیان افراد بشرک هر درلو منویات